



册府元龜
卷之八百四十五
至四十七



13
849
275



門 4 3
編 849
卷 275



册府元龜

淮南李嗣京參閱

西極文翔鳳訂正

豫章黃國琦較釋

總錄部

八百四十五

膂力

趨捷

善武藝

執御

膂力

詩云孔武有力又云有力如虎斯蓋萬人之敵百夫
之防者也其有血氣方剛筋骨秀出曩技自任伉健
無對絕邁乎倫品時負於壯勇誠稟賦之有殊而才

力乎小民所用在於壯爾自非處之若怯而戒之在
鬪進以戡難而學侮退乃卷懷而若虛亦可以全養
勇之道成率義之美哉其或肆陸梁恃鷙猛謂衆莫
予拒而務於勝人是乃暴虎之徒不足算已

寡寒泥子多力能陸地行舟

蜚廉秦之先也蜚廉生惡來有力手裂蜚廉善走父

子俱以才力事紂

穎考叔鄭大夫鄭伯將伐許授兵於太宮太宮鄭公祖廟也

孫闕與穎考叔爭車公孫闕鄭大夫穎考叔挾輶以走輶車轅也

子都拔棘以逐之子都公孫闕也棘戟也

南宮長萬宋大夫曹師伐宋長萬奔陳以乘車輦其

母一日而至乘車非兵車駕人曰輦宋去陳二百里言萬之多力宋人請南

宮萬于陳以賂陳人使婦人飲之酒而以犀革裹之

比及宋手足皆見宋人醢之

叔山冉楚人晉楚戰于鄢陵楚師薄于險薄迫也叔山

冉搏人以投中車折軼晉師乃止

秦董父魯孟獻子家臣魯師從晉伐偃陽董父輦重

如役叔挽重車以從師

叔梁紇魯人爲鄒邑大夫從伐偃陽偃陽人啓門諸

侯之士門焉見門開故攻之懸門發統挾之以出門者

狄虎彌魯人從晉伐偃陽叔梁紇既挾懸門虎彌建

大車之輪而蒙之以甲以為櫓蒙覆也櫓大楯也左執之右

拔戟以成一隊孟獻子曰詩所謂有力如虎者也

慶舍字子之為齊大夫封之子慶封之亂樂高陳鮑

之徒介慶氏之甲樂子雅高子尾陳陳須無鮑鮑國子尾抽旃擊扉

三旃條也扉門闔也以旃擊扉為期 盧蒲癸自後刺子之王何以戈

擊之解其左肩猶援廟旃動於薨以俎壘投殺人而

後死言其口多力

子期楚司馬白公勝作亂殺子期于朝子期曰昔者

吾以力事君不可以弗終拔豫章以殺人而後死

其多力豫章大木

孟說不知何許人秦武王有力好戲力士任鄙烏獲

與說皆至大官王與說舉鼎絕臏而死臏作脉

孟賁生拔牛角

夏育衛人力舉千均

吾丘鳩中山之人多力也趙氏攻中山吾丘鳩衣鐵

甲操鐵杖以戰而擊無不碎所衝無不陷以車投車

以人投人

漢項籍字羽下相人力扛鼎扛舉也才氣過人

申屠嘉梁人文帝時為丞相初以材官蹶張今之弩以手張

者曰臂張以足從高帝

上官桀隴西上邽人少時為羽林期門郎從武帝上

甘泉天大風車不得行解蓋授桀桀蓋雖風嘗屬車

屬連也雨下蓋輒御帝奇其才力遷未央廡令

耳延壽字君况少以良家子善騎射為羽林投石拔

距絕於等倫投石以石投人也拔距者有人連坐相把據也距以為堅而能拔取之皆言其

有手擊之力超踰亭樓又言其趨捷耳非拔距也今人猶有拔瓜之戲蓋拔距之遺法

後漢蓋延漁陽人彎弓三百斤邊俗尚勇力而延以

氣聞官終左馮翼將軍

祭彤字次孫有勇力能貫三百斤弓位太僕

虞延字子大力能扛鼎官終太僕

郭涼身長八尺氣力壯猛

葛龔以善文記知名性慷慨壯烈勇力過人位臨汾

令

魏許褚勇力絕人漢末聚少年及宗族數千家共堅

壁以禦寇時汝南葛陂賊萬餘人攻褚壁褚眾少不

敵力戰疲極兵矢盡乃令壁中男女聚治石如杵斗

者置四隅褚飛石擲之所值皆摧碎賊不敢進糧乏

偽與賊和以牛與賊易食賊來取牛牛輒奔還褚乃

出陣前一手逆曳牛尾行百餘步賊衆驚遂不敢取牛而走繇是淮汝陳梁間聞皆畏憚之後從太祖討韓遂馬超於潼關太祖將北渡臨濟河先渡兵獨與褚及虎士百餘人留南崖斷後超將步騎萬餘人來奔太祖軍矢下如雨褚白太祖賊來多今兵渡以盡宜去乃扶太祖上船賊戰急軍爭濟船重欲沒褚斬攀船者左手舉馬鞍蔽太祖船舵工爲流矢所中死褚右手並泝船僅乃得渡是日微褚幾危其後太祖與遂超等單馬會語左右皆不得從惟將褚超負其力陰欲前突太祖素聞褚勇疑從騎是褚乃問太祖

曰公有虎侯者安在太祖顧指褚褚瞑目眇之超不敢動乃各罷後數日會戰大破超等褚身斬首級遷武衛中郎將武衛之號自此始也軍中以褚力如虎而癡故號曰虎癡是以超問虎侯至今天下稱焉皆謂其姓名也

典韋陳留己吾人形貌魁梧膂力過人初平中張邈舉義兵韋爲士屬司馬趙寵牙門旗長大人莫能勝韋以一手建之寵異其才力韋好持大雙戟與長刀等軍中爲之語曰帳下壯士有韋君提一雙戟八十斤

蜀劉封隨先主入蜀自葭萌還攻劉璋時封年二十餘有將數人將兵俱與諸葛亮張飛等沂流洄而上所在戰克位副軍將軍

吳韓當為孫堅別部司馬嘗從堅征伐周旋數犯危難陷敵擒虜

董龔字元代會稽餘姚人長八尺武力過人位偏將軍

朱據字子範吳郡吳人有姿貌膂力又能論難位新都郡丞

晉庾東以勇力聞武帝時有西域健胡趨捷無敵晉人莫敢與較帝募勇士惟東應選遂撲殺之名振

俗

蔡裔少有勇力呼聲若雷嘗有盜入室裔撫几一呼賊眾皆殞時人憚之後為兗州刺史

吳彥字士則吳郡吳人出自寒微有文武才幹身長八尺手格猛獸膂力絕群位交州刺史

張昌本義陽蠻少為平氏縣吏武力過人後蜀李庠為中軍騎督弓馬便捷膂力過人時論方

之文鶩

宋孟龍符驍果有膽氣幹力絕人位殿中將軍

孟係祖有筋幹異力能擔負數人入隸羽林爲殿中將軍

劉康祖新康縣男虔之子便弓馬膂力絕人
倭長生出身爲縣將本府以其膂力召爲府將

張東有勇力手格猛獸位左將軍

南齊周山圖家業寒賤年十五六氣力絕衆食噉嘗兼數人鄉里獵戲聚嘗爲主帥指麾處分皆見從位黃門郎

張敬兒南陽冠軍人好射虎南陽新野風俗出騎射而敬兒尤多膂力求入隊爲曲阿戎驛將

焦度爲青州刺史顏師伯輔國府叅軍師伯啓
稱度氣力弓馬絕人帝召還克左右見度身形黑壯謂師伯曰真健物也

梁牟侃少而雄勇膂力絕人泗橋有數石人長八尺大十圍侃執以相擊悉皆破碎位都官尚書

鄧元起字仲居南郡當陽人也少有膽幹膂力過人位益州刺史

陳周鐵虎不知何許人梁世南度語音愴重膂力過人位太子左衛

程靈洗少以勇力聞步行日一百餘里位安西將軍

杜僧明形貌眇小而膽氣過人有勇力善騎射位平北將軍

任忠字奉誠小名蠻奴膂力過人尤善騎射位開府儀同三司

周迪少居山谷有膂力能挽彊弩以弋獵爲事位平南將軍

乙瓌代人慕化入貢世祖留之瓌便弓馬善騎射手格猛獸膂力過人位西道都督

徐世譜字典宗居荊州爲主帥征伐蠻蠻尤敢勇有膂力善水戰

後魏于栗磾代人爲冠軍將軍道武敗于白登山見熊領數子帝謂栗磾曰能縛之乎栗磾曰能帝曰若搏之不勝豈不虛斃一壯士耶栗磾曰自可能致御前而制之尋擒之

崔延伯博陵人也有氣力以勇壯聞位征西將軍韓茂字元興父耆龍驤將軍茂年十七膂力絕人尤善騎射明元曾親征丁零翟猛茂爲中軍執幢時大風諸軍旌皆偃仆茂於馬上持幢初不傾倒明元異而問之徵茂所屬具以狀對明元謂左右日記之尋徵詣行在所試以騎射明元深奇之以茂爲虎賁中

郎將

陸真代人少善騎射大武初以真膂力過人拜爲內郎

劉尼少壯健有膂力勇果善射大武見而善之拜羽林郎中

谷渾字元冲昌黎人父袞膂力兼人彎弓三百斤勇冠一時位安南將軍

伊護代人善射多力曳牛却行位太子太保

長孫頽善騎射彎弓三百斤位征南將軍

宇文福少驍果有膂力位征南將軍

鄭思明左光祿大夫連山子思明及弟思和並以武力自効位直閣將軍

傅永字修期清河人有氣幹拳勇過人子叔偉九歲爲州主簿及長膂力過人彎弓三百斤左右馳射見者以爲得永之武而不得永之文也

奚康生性驍勇有武藝弓力十石爲南青州刺史時梁武帝聞康生能引強弩力至十餘石故特作大弓兩張送與康生康生得弓便會集文武乃用卒射猶有餘力其弓長八尺把中圍尺二寸箭麓殆如今之長箭觀者以爲希世絕倫弓卽表送置之武庫

崔鳳少便弓馬壯勇有膂力北齊侯景懷鎮人少驍勇有膂力善騎射以選為北鎮岳

綦運猛魏元象中為中外府帳內都督梁使來聘云有武藝求訪北人欲與相角文襄遣猛就館接之雙帶兩韃左右馳射兼共試力挽強梁人引弓兩張力皆三石猛遂併取四張疊而抗之過度梁人嗟服之後周韓雄字木蘭河東垣人也少敢勇膂力絕人工騎射有將帥材畧位驃騎大將軍
竇熾字光成善騎射膂力過人位太保

宇文顯和膂力絕人彎弓數百斤能左右馳射

士勇代州武川人本名胡仁少雄健有膽決便弓馬

膂力過人位大將軍

王傑少有志每以功名自許善騎射有膂力位上柱

國

崔說本名士約少有氣槩膂力過人尤工騎射位大將軍

楊汪字元度少兇踈好與人群鬪拳所毆擊無不巔

踣位吏部尚書

韓盛善騎射膂力過人位新平郡守

隋張威少儻有大志善騎射膂力過人在周數從征伐位至柱國京兆尹

和洪濟南人少有武力勇烈過人周武帝時數從征伐以戰功累遷車騎大將軍

段文振北海平原人少有膂力膽氣過人位左候大將軍

魚俱羅馮翼下邳人膂力絕人聲氣雄壯言聞數百步弱冠為親衛累遷大都督

董純字德厚少有膂力便弓馬在周仕歷司御上士周範偉儀姿有膂力仕隋齊王府佐

張士貴本名忽雷弘農虛氏人也膂力過人

一百五十斤左右騎射矢不虛發位左領軍大將軍

齊軌字文度京兆渭南人慷慨有志畧身長八尺膂力過人善擊劍左右馳射而頗涉書傳

梁崇義長安人以升斗給役于市井間有膂力能卷

金舒鉤後為羽林射生

衛伯玉有膂力自幼習知武藝天寶中仗劍之安西

以邊功累遷至員外諸衛將軍

康藝全為河東偏伍勇力絕人節度使馬燧以其多

藝因以藝全名之

李載義以武力稱繼為幽州屬郡守載義少孤與鄉曲之不令者遊有勇力善挽強角觝劉濟為幽州節度使見而偉之置於親軍每從征伐

梁王彥章曹南人少好勇多力太祖領四鎮擢為偏較當持一鐵槍重僅百斤所向無敵當者

後唐朱漢賓亳州人少有膂力形神壯偉膽氣過人位太子少保致仕

晉翟璋好勇力時目為大蟲即癡虎之稱也位左羽林統軍

張郛年十八善射膂力過人鄉里憚之位慶州刺史

周王繼弘少勇悍後唐明宗作鎮致之麾下善步鬪多力位河陽節度使

趨捷

夫有力善走剽悍勁疾斯趨捷之謂也若乃稟肖之異佺健殊尤屬方剛之際挺孔武之力跳盪輕疾絕出流類雖則一介之士亦乃百夫之特也然則壯有所用力供時使佗佗之氣既有所取趕趕之武亦足可稱或乃恃其過人昧乎養勇失於繇禮之訓違夫率義之旨斯故輕生而嗇禍者哉

蜚廉秦之先也足走千里手制兕虎以材力事商紂

圍人學魯人

圍人掌養馬者犛名也史失其姓

能投蓋于稷門

蓋覆也稷

門魯南門走而自投接其尾之楯反覆門上

慶忌吳人勇為人所聞走及奔馬

漢甘延壽字君况北地郁都人為羽林投石捷手絕

於等倫嘗超踰羽林亭樓繇是遷為郎試并為期門

博并以材力愛幸為西域都護與陳湯共誅斬郅支單

于封義成侯

後漢董卓臨洮人膂力過人雙帶兩鞬左右馳射為

羌胡所畏桓帝末以六郡良家子為羽林郎後位太

師

張燕嘗山真定人剽悍捷速過人故軍中號曰飛燕

後為平北將軍

呂布字奉先五原郡九原人也漢末以驍武給并州

便弓馬膂力過人號曰飛將稍遷至中郎將董卓自

以遇人無禮恐人謀已嘗以布自衛卓性剛而褊忿

嘗小失意拔手戟擲布布拳捷避之而改容顧謝卓

意亦解

吳虞翻會稽餘姚人為孫策功曹從策討山越策獨

騎與翻相得山中得平地勸策乘馬策曰卿無馬奈

何答曰翻能步行日可三百餘里自征討以來吏卒

無及翻者明府試躍馬踞隨之行及大道得一鼓吏
策取角自鳴之部曲識聲小大皆出遂從周旋平定
三郡
晉唐彬字儒宗魯國鄒人少便弓馬好遊獵身長八
尺走及奔鹿強力兼人後爲前將軍領西戎較尉雍
州刺史
王彌東萊人惠帝末入長廣山爲群盜彌多權畧凡
有所掠必豫圖成敗舉無遺策弓馬迅捷臂力過人
青土號爲飛豹

郭默河內懷人少微賤以壯勇事太守裴整嘗身被

重甲跳三丈餘時人莫不憚之後爲西中郎將豫州

刺史

桓石虔荆州刺史豁之子小字鎮惡有才幹趨捷絕
倫從父在荊州於獵圍中見猛獸被數箭而伏諸督
將素知其勇戲令拔箭石虔因急往拔得一箭猛獸
跳石虔亦跳高於猛獸獸伏復拔一箭以歸終冠軍
將軍豫州刺史

陳安字虎侯隴右人驍壯果毅武幹過人多力善射
持七尺刀貫甲奔及馳馬
宋傅弘之北地泥陽人也素善騎乘爲建威將軍順

陽太守從高祖至長安弘之於姚泓馳道內綏服戲馬或馳或驟往反二十里中甚有姿制羗胡聚觀者數十人並驚惋歎息初上馬以馬鞞柄策挽致兩股內及下馬柄孔

尺天生吳興餘杭人天興之弟也天生少爲隊將十人同大屋後有一大坑廣二丈餘十人共跳之皆度惟天生墜坑天生乃取實中苦竹剡其端使利交橫布坑內更呼等類共跳並畏懼不敢天生曰我向已不度今者必墜此坑中丈夫跳此不度亦何活乃復跳之往反十餘會無留礙衆並歎服

南齊張敬兒爲雍州刺史部伍泊沔口敬兒乘舩過江詣晉熙王燮中江遇風船覆左右丁壯者各泅走餘二小吏沒船下叫呼官敬兒兩掖揀之隨船覆仰嘗得在水上如此翻覆行數十里方得迎接失所持節更給之

王敬則晉陵南沙人也年二十餘善拍張跳刁高與白虎幢等如此五六接無不中補挾轂隊主領細鎧左右

梁羊侃泰山梁甫人也少雄勇膂力絕人於兗州堯廟蹋壁直上至五尋橫行得七跡後爲都官尚書

蘭欽字休明幼而果決趨捷過人宋末隨父子雲在
 雒陽嘗於市騙橐駝天監中兼文德主師征南中五
 郡諸洞反者所至皆平欽有謀畧勇決善戰步行日
 二百里勇武過人善撫馭得人死力以軍功封安懷
 縣男

陳周文育羨興陽美人也年十一能反覆游水中數
 里高跳六尺與穉兒聚戲衆莫能及後為鎮南將軍
 封壽昌公

黃法氈音俱字仲昭巴山新建人少勁健有膽力步行
 日三百里距躍三丈頗便書疏閑明簿領出入郡中

為鄉里所憚後為豫州刺史

後魏傅永廣平易陽人也有氣幹拳勇過人能手執
 鞍橋倒立馳騁後為平東將軍光祿大夫
 傅叔偉永之子也亦能立馬上與人角騁九歲為州
 主簿

楊大眼武都氐難當之孫少有膽氣跳走如飛然側
 出不為一宗親顧待頗有饑寒之切太和中起家奉
 朝請時孝文自代將南伐令尚書李冲典選征官大
 眼往求焉冲弗許大眼曰尚書不見知聽下官出一
 伎便出長繩三丈許繫髮而走繩直如矢馬馳不及

見者莫不驚歎冲曰自千載以來未有逸才若此者也遂用為軍主大眼顧謂同寮曰吾之今日所謂蛟龍得水之秋自此一舉終不復與諸君齊列矣未幾遷為統軍從孝武征宛葉襄鄧九江鍾離之間所經戰陣莫不勇冠六軍

伊馥代人少而勇健走及奔馬善射多力位終太子太保平尚書事

爾朱兆字萬仁榮從子也少驍猛善騎射手格猛獸趨捷過人數從禁遊獵至於窮巖絕澗人所不能升降者兆必先之榮以此特加賞愛任為爪牙以軍功

為平遠將軍步兵較尉

後周韓果字阿六拔代州武川人驍雄善騎射從賀拔岳西征為岳帳內果膂力絕倫被甲荷戈昇陟峯嶺猶涉平路雖數十日不以為勞以功授宣威將軍後從大軍破稽胡於北山胡地險阻人迹罕至果進兵窮討散其種落稽胡憚果勁健號為著翅人太祖聞之笑曰著翅之名寧減飛將

連奚震字猛畧代人也同州刺史武之子少驍勇便騎射太祖嘗於渭北較獵兔過太祖前震與諸將競射之馬倒而墜震足不傾躡因步走射之矢發中兔

顧馬纔起遂迴身騰上太祖喜曰非此父不生此子乃賜震雜絲百段震後累遷上柱國南齊與蕭梁諸隋賀若敦仕周文爲都督封安陵縣伯嘗從太祖較獵於甘泉宮時圍人不齊獸多逃逸太祖大怒人皆股戰圍內惟有一鹿俄亦突圍而走敦躍馬馳之鹿上東山敦棄馬步逐至山半便掣之而下太祖悅諸將因得免責

長孫晟趨捷過人年十八爲後周司衛上士

崔弘度年十七周大象宰宇文護引爲親信軍較都督累轉大都督時護弟中山公訓爲蒲州刺史令弘

度從焉嘗與訓登樓至上層去地四五丈俯臨之訓曰可畏也弘度曰此何足畏歟然擲下至地無損傷訓以其拳捷大奇之
麥鐵杖始與人驍勇有膂力日行五百里走及奔馬陳宣帝大建中聚結爲盜俘役爲官戶配執御傘每罷朝後行百餘里夜至南徐州踰城而入行光火劫盜旦還及牙時仍又執傘如此者十餘度物主識之州以狀奏朝士見鐵杖每旦嘗在不之信也後數告變尚書蔡徵曰此可驗耳於仗下時購以百金求人送詔書與南徐州刺史鐵杖出應募齎勅而往明日

及奏事帝曰信然爲盜羽矣惜其勇捷誠而釋之陳
亡後徙居清流縣遇江東反楊素遣鐵杖覘賊後敘
戰勳不及鐵杖遇素馳驛歸于京師鐵杖步追之每
夜則同宿素見而特悟奏授儀同三司以不識書放
還鄉里成陽公李徹稱其驍武飢寒而人亦火火
沈光字總持少驍捷初建禪定寺其中幡竿高十餘
丈適遇繩絕非人力所及諸僧患之光見而謂僧曰
持繩來當相爲上耳諸僧驚喜因取而與之光乃銜
索拍竿而上直至龍頭繫繩畢手足皆放透空而下
以掌拒地倒行數十步觀者駭悅莫不嗟異時人號

爲肉飛僊從煬帝攻遼東以衝梯擊城竿長十五丈
光昇其端臨城與賊戰短兵接殺十數人賊競擊之
而墜未及於地適遇竿有垂絙光接而復上帝望見壯
異之卽拜朝散大夫
史萬歲少英武善騎射驍捷若飛後以軍功拜上大
將軍
宇文忻字仲樂幼而敏惠年十二能左右馳射驍捷
若飛位至右領軍大將軍

權武拜開府襲爵齊城郡公武少勁果能重甲上馬
嘗倒投於井未及泉復躍而出其拳勇如此頻以軍功

增邑終右屯衛大將軍

唐高開道世家寒微煮鹽以自給少而驍捷走及奔

馬後為尉州總管

趙持蒲工書善射力搏猛獸捷及奔馬改為涼州都

督府長史而親仁愛士多所交結在涼州嘗逐野馬

自從射之無不洞于胸腋邊人深伏之

史敬奉靈武人為本軍牙將形甚短小若不能勝衣

至于野外馳逐能擒奔馬自執鞍勒隨鞍躍上然後

羈帶矛矢在手前無強敵

漢史弘字化元少游俠無行拳勇健步日行二百

里走及奔馬高祖時為侍衛親軍都指揮使

周王進幽州良鄉人為入勇悍走及奔馬符彥超為

河朔郡守以畧誘真之左右長興初彥超領鎮安州

屬王希全構亂令進變狀聞於朝廷明宗賞其迅速

錄寧衛將軍

善武藝

孤矢之妙擊刺之能皆古人之所尚俠少之所務也

其有忠信為質拳勇絕人既蘊其壯心又輔之武藝

復有負彼英姿目為飛將稍著折樹之名騎擅驚軍

之號而能奉上盡節臨難不免此皆百夫之雄足以

二十

垂之不朽儻或心蓄姦賊志在飛揚雖使刀矛俱發左右馳騁所謂勇而無禮徒爲兆亂之本者也

荆軻衛人也衛人謂之慶卿旣而之燕燕人謂之荆卿荆卿好讀書學擊劍以說衛元君元君不用

漢司馬相如字長卿通西南夷拜中郎將少時好讀書學擊劍

魏典韋陳留己吾人仕太祖至較尉好持大戟與長刀軍中爲之語曰帳下壯士有典君提一雙戟八十

斤王勳出於人爲人負勇求又本武藝擊劍嚴翰字公仲器性重厚篤好擊劍

晉楊濟字文通歷位鎮南征北將軍武帝重兵官多授貴戚清望濟以武藝號爲稱職

桓玄字靈寶襲爵南郡公在江陵甚豪橫士庶畏之過於刺史殷仲堪玄於仲堪廳事前戲馬以稍擬仲堪仲堪中兵叅軍劉邁在座謂玄馬稍有餘精理不足仲堪爲之失色

陳安爲劉曜將後叛曜自稱大將軍雍涼秦梁四州收涼王曜使其將軍平先立中伯率勁騎追安安與壯士十餘騎於陝中格戰安左手奮七尺大刀右手執丈八蛇矛近交則刀矛俱發輒害五六遠則雙帶

韃服左右馳射平先亦壯健絕人與安博戰三交奪其蛇矛及安死隴上歌之曰隴上韃兒有陳安軀幹雖小腹中寬驍驄文馬鐵鍔鞍七尺大刀奮如湍丈八蛇矛左右盤十盪十決無當前

南齊王宜興爲屯騎較尉與黃回同石頭之謀宜興奉捷善舞刀楯回嘗使十餘人以水交灑不能著

周盤龍北蘭陵人爲征虜將軍濟陽太守世祖數構武帝令盤龍領軍較尉騁稍

陳天福爲前軍將軍善馬稍至今諸將法之

梁羊侃爲大軍司高祖時車駕幸樂遊苑侃預宴時

少府奏新造兩刀稍成長二丈四尺圍一尺三寸帝

因賜侃河南國紫騮馬令試之侃執稍上馬左右擊刺特盡其妙觀者登楹帝曰此楹必爲侍中折矣俄而果折因號此稍爲折楹稍

王神念爲爪牙將軍少善騎射旣老不衰嘗於高祖前執二方楯左右交度騮馬往來冠絕郡伍有楊華者能作驚軍騎並一時妙捷

後魏來大千爲騎都尉驍果善騎射永興初襲爵遷中散至於朝賀之日大千嘗着御鎧盤馬殿前朝臣莫不嗟歎

于栗磾代人也爲冠軍將軍左右馳射武藝過人好持黑稍以自標明元時拜黑稍將軍

北齊尉興敬幽州刺史長命之子便弓馬有武藝高祖引爲帳內都督

獨孤楷少謹厚便弄馬槊爲宇文護執刀累轉車騎將軍

田式字顯標爲襄州總管性剛果多武藝拳勇過人燕榮字貴華高祖受禪爲大將軍性剛嚴有武藝擊突厥有功

唐單雄信爲李密將少驍健尤能馬上用槍密軍號

爲飛將

羅士信始年十四爲滎陽通守張須陁執衣遇翟讓來寇士信信請自效須陁小之士信重著一甲左右雙鞬躍而上馬陣方列士信執長槍立於馬上馳至賊所刺倒數人斬一人首擲於空中用槍承之戴以略陣賊衆愕然莫敢逼者士信乃棄鞍馳馬爲十士十下而還

秦叔寶爲上柱國封翼國公每從太宗征伐敵中有驍將銳卒炫耀人馬出入來去太宗輒命叔寶往取叔寶應命躍槍而進必刺之萬衆之中

哥舒翰初爲別將吐蕃寇邊翰拒之于苦拔海吐蕃之衆三道從山相續而下翰持半段槍當兵鋒逆擊之無不摧靡又擊其次軍復走又擊其後軍皆大破之繇是知名翰有家臣曰左車年十五每隨翰入陣翰善使槍追賊及之以槍搭其肩而喝之賊驚顧翰從而刺其喉皆剔高三五丈而墜左車輒下馬斬其首率以爲嘗

王難得有膽力天寶初吐蕃大寇河源軍難得以騎將爲軍鋒贛普有子曰琅支都恃其趨悍乘詣真馬寶劍裝鞍軍前求較鬪者難得橫槍突往刺殺之斬其首以其馬歸軍使以聞玄宗召至御殿問之因令馳突作殺琅支都狀壯之賜以錦袍拜羽林將軍郭子儀初以武舉補左衛長史累以武藝登科爲諸軍使李瑋光爲朔方節度少從軍爲朔方死將以武藝壯勇稱朔方節度使郭子儀禮之益厚李觀德宗時爲四鎮北庭節度使少習武藝沈厚寡言有將帥識度梁王敬瑄潁州汝陰人爲武寧軍節度使敬瑄魁傑沈勇多力善戰所用槍矢皆以純鐵鍛就槍重三十斤摧鋒突陣率以此勝

王彥章少從軍嘗持鐵槍衝堅陷陣敵人畏之目之
爲王鐵槍後至正國軍節度使

王景仁廬州合肥人材質魁偉性暴率無威儀善用
槊頗推驍悍後至簡較太尉同平章事

王重師潁川長杜人也唐天祐中爲雍州節度使同
平章事材力兼人沈默大度臨事有權變劍稍之妙
寇絕於一時中和末蔡寇陷許昌重師脫身而來太
祖異其狀貌乃繇于拔山都每於軍前效用頗出儕
類

晉農從簡陳州人天福初爲許州節度使世以屠牛
爲事力敵數人善用槊初事唐莊宗爲小較攻取城
邑召人爲梯頭從簡多應募焉

安審暉爲邢州節度使器局謹重從父戰陣武藝絕
人起家長直軍副兵馬使

執御

仲尼曰吾何執吾執御矣若夫銜勒無失則控御有
力輓軛斯正則夷險可履況乎任重致遠而徐疾以
攸宜自邇嗟遐故驅馳而莫擬蓋兢畏之無斃信動
靜而有嘗若乃蹉跌稍失用舍不精非徒敗律喪師
抑亦失身隕志其爲執御可不慎歟

商費昌夏桀之時去夏歸商為湯御以敗夏桀于鳴條

孟巖中衍大戊聞而卜之使御尹遂致使御而妻之

周造父以善御幸於穆王得驥溫驪溫一作盜為馬純頸驪黑色

驊騮色如華而赤今名馬驪赤者為棗駟驪馬赤也騶耳之駟紀年云北唐一驪馬是生騶耳八駿皆因其毛色為名

西巡狩樂而忘歸

奄父公仲宣王伐戎以為御

縣賁父魯人魯公及宋人戰于乘丘縣賁父御縣賁皆氏

也凡車右勇力者為之卜國為右馬驚敗績驚奔失列公墜佐車授

綏戎車之貳曰公曰末之卜也未之猶微哉言卜國無竅縣賁父

曰他日不敗績而今敗績是無勇也公他日戰其御馬未嘗驚奔

遂死之二人赴敵而死圍人浴馬有流矢在白肉圍人掌養馬者白肉

服裏肉公曰非其罪也流矢中馬非御與右之罪也遂誅之誅其赴敵之功

以為

步楊晉人秦穆公侵晉至于都都晉地韓原惠公謂慶鄭

曰君深其怨能淺其寇乎卜右慶鄭吉公曰鄭也不

遂以家僕徒為右步楊御戎戎御公戎車梁繇靡御韓簡

號射為右以承公晉師潰戎馬還寧而止梁繇靡御

簡輅秦公將止之輅迎止獲也慶鄭曰釋來救君亦不克

救遂止于秦

許伯楚人邲之戰許伯御樂伯攝叔為右以致晉師

許伯曰吾聞致師者御靡旌摩壘而還靡旌疾馳也摩近也樂

伯曰吾聞致師者左射以葢左車左史葢矢之善也代御執轡

御下兩馬掉鞍而還兩飾也掉正也示閒暇攝叔曰吾聞致師

者右入壘折馘折馘斷耳執俘而還皆行其所聞而復

邲夏齊人戰之戰邲夏御齊侯逢丑父為右晉解張

御邲克鄭丘綏為右邲克傷於矢流血及屨未絕鼓

音中軍將自執旗鼓故雖傷而擊鼓不息日余病矣張侯曰自始合而

矢貫余手及肘余折以御左輪朱殷豈敢言病吾子

恐之張侯解張也朱血色血色久則殷殷音近烟人謂亦黑為殷色言血多汚車輪御猶不敢息

自始合苟有險余必下推車子豈識之然子病矣其

不識已推車張侯曰師之耳目在吾旗鼓進退從之此車

一人殿之可以集事殿鎮也若之何其以病敗君之

大事也振甲執兵固即死也病未及死吾子勉之左

弁轡右援枹而鼓馬逸不能止師從之晉師從邲克車齊師

敗績韓厥將戰夢子輿謂已曰且辟左右子輿韓厥父故

中御而從齊侯若中代御者自非元師御者皆在中將左右邲夏日射其

御者君子也公曰謂之君子而射之非禮也齊侯不知我禮

射其左越于車下射其右斃于車中

郵無正郵無正大夫王良也晉人鐵之戰趙簡子曰鄭人擊我

郵無正夫王良也晉人鐵之戰趙簡子曰鄭人擊我

伏衣弦衣流血鼓音不衰今日之事莫我若也衛莊

公為右莊公奔晉簡子將納之故為右曰吾九登九下擊人盡殪今

日之事莫我加也郵無正曰吾兩鞅將絕吾能止之

今日之事我御之上也駕兩乘材材橫兩鞅皆絕一

云趙簡子使王良與嬖奚乘終日而不獲一禽嬖奚

反命曰天下之賤工也或以告王良良曰請復之彊

而後行一朝而獲十嬖奚反命曰天下之良工也良

請辭曰吾為範御終日不獲一為之詭遇一朝而獲

十範法也詭不依法也

東野畢魯人以善御聞定公問于顏闔曰東野畢之

御善乎對曰善則善矣然甚將為佚定公不說入謂

左右曰君子固誣人乎三日而牧來謂之曰東野畢

之馬佚兩驂引兩服入廐定公越席而起召顏闔曰

子言東野畢其馬將佚不識何以知之對曰臣以政

知之昔者舜巧于使民而造父巧于使馬舜不窮其

民造父不窮其馬是以舜無佚民造父無佚馬今東

野畢之御上車執轡御體正矣步驟馳騁朝禮畢矣

歷險致遠其方盡矣然而求馬不已是以知之公曰

善哉

宛射大鄭人楚子伐鄭諸侯救鄭晉侯使張輅輔躒

册府元龜 總錄部 卷之八百四十五 二十八

致楚師求御于鄭卜宛射大吉使御廣車而行

尹需學御三年而無得焉嘗寢想之寢卧思之中夜夢受

秋駕於師秋駕美御之師明日往朝望而謂之曰吾非愛道

於子也恐子不可予也今日將教子以秋駕尹承而

反走北面再拜曰臣有天幸今夕因夢受之

漢祕彭祖以卒開沛城門為太公僕又為中廐令擊

陳豨封戴侯

夏侯嬰為沛廐司御高祖為沛公以嬰為太僕嘗奉

車為沛公御車也

荀彘太原廣武人以御見為侍中以善御得見因為侍中也

晉王湛宗族皆以為痴兄子濟詣湛既而辭去

至門濟有從馬絕難乘濟問湛曰叔頗好騎否湛曰

亦好之因騎此馬姿容既妙迴策如縈善騎者無以

過之後至汝南內史

宋劉德願孝武時為豫州刺史善於御車嘗立兩柱

使其中通車軸乃於百餘步上振轡長驅未至數尺

痛與牛杖從柱間直過其精如此世祖聞其能乃為

之乘盡輪車幸大宰江夏王義恭第德願著龍冠短

朱衣執轡進止甚有容狀上欣歡賞賜甚厚

唐齊映為御史中丞從德宗幸梁州映嘗執轡會御

馬遽駭奔跳頗甚帝懼傷跌令舍轡映照朝夕之乃
止帝問其故曰馬奔蹊不過傷臣苟捨之或犯清塵
雖臣萬死何以塞責上嘉獎無已

册府元龜

淮南李嗣京叅閱

西極文翔鳳訂正

豫章黃國琦較釋

總錄部 九十六

善射

周官保民之職教國子以六藝其三曰射仲尼亦曰
吾何執執射乎蓋弦刻之制聖人所以威天下桑蓬
之訓男子所以志四方射之時義遠矣哉中古以還
乃有應機之命中挽彊微札善其事而著稱者焉至

或飲羽斃獸卻敵紆難威讐於羗虜身獲於榮爵亦
比比有之詩曰舍矢如破又曰舍拔則獲皆善射之
謂矣

有窮后羿善射 有窮國名后羿也羿君之號

逢蒙學射於羿盡羿之道

賈大夫惡 貌 取妻而美三年不言御以如臯射雉獲

之其妻始美而言

樂伯為楚大夫與晉戰於邲許伯禰樂伯攝叔為右

以致晉師晉人逐之左右角之 張兩角後旁夾攻之 樂伯左射

馬而右射人角不能進矢一而已麋興於前麋麗龜

麗者也龜背文一隆高當心者

晉鮑癸當其後使攝叔奉麋獻焉曰以歲之非時獻

禽之未至敢膳諸從者鮑癸止之曰其左善射其右

有辭君子也既免 止不復逐之

養繇基楚大夫善射去楊葉百步而射百發百中楚

共王及晉侯鄭伯戰於鄢陵潘廑之黨與養繇基蹲

甲而射之徹七札焉 黨潘廑之子蹲聚也一發達七札言其能陷堅 以示王

曰君有二臣如此何憂於戰 二子以射誇王 王怒曰大辱國

賤其不詰朝爾射死藝 言女以射自多必當以藝死也詰朝猶明朝是戰日 及

戰呂錡射共王中目王召繇基與之兩矢使射呂錡

中項伏弣弣弓也以一矢復命後楚師薄薄迫也於險叔

山舟謂基曰雖君有命為國故於必射王有死乃射

再發盡瘞楚王有白猿王自射之則搏矢而熙熙使

餐食其射之食其即始調弓矯矢未發後擁柱號矣

熊渠子夜行見寢石以為伏虎彎弓射之沒金飲羽

下視知其石也因復射之矢摧逆也

商陽為工尹與陳棄疾追吳師及之工尹楚官名棄疾楚公子棄疾

以魯昭八年帥師滅陳縣之楚人善之因號焉至二

十年楚子狩於州來使蔣侯潘子司馬督讎尹午陵

尹善帥師圍徐以懼吳於陳棄疾謂工尹商陽曰王

事也子手弓而可乎弓子射諸商陽仁不忍傷射之

斃一人韞弓不忍復射斃又及謂之又斃二人每斃

二人每斃一人揜其目揜其目不忍視之止其御曰朝不坐

燕不與殺三人亦足以反命矣朝燕於寢大夫坐於

與御者皆士也兵車參乘射孔子曰殺人之中又有

禮焉善之

公孫丁為衛獻公御公出奔齊孫氏追之初尹公佗

學射於庾公差庾公差學射於公孫丁二子追公

佗與差為子魚曰射為背師不射為戮射為禮乎子

孫氏逐公庾公差禮射兩鞬而還鞬車鞬尹公佗日子為師我

則遠矣乃反之佗不從丁學故言遠始與公孫丁受

公轡而射之貫臂貫佗臂

洩聲子魯大夫齊師將納昭公使公子鉏率師從公

圍成師與齊師戰於炊鼻季氏師距公炊鼻魯地齊子淵捷從

洩聲子射之中楯瓦瓦楯脊繇胸汰軻匕入者三寸入楯

瓦也前車輓輓車輓繇過也汰矢激也匕矢鏃也聲子射其馬斬鞅燹

顏高魯人定公侵齊門於陽州攻其門士皆坐列言無關志

曰顏高之弓六鈞三十斤為鈞六鈞百八十斤古稱重故以為異彊皆取而

傅觀之陽州人出顏高奪人弱弓籍丘子鉏擊之與

一人俱斃子鉏齊人斃仆也偃且射子鉏中頰燹子鉏死

顏息魯人定公侵齊門於楊州顏息射人中臂退曰

我無勇吾志其目也以自矜

公孫林鄭大夫齊輸范氏粟鄭子姚子般送之趙鞅

禦之遇於戚鄭師大敗趙孟喜追鄭師姚般公孫林

殿而射前列多死晉前列趙孟曰國無小言雖小國猶有善射者

更羸魏人與魏王處廡下有鴈從東方來更羸虛發

而鴈下

漢李廣隴西人三世受射受射法文帝十四年匈奴大

入蕭關而廣以良家子從軍擊胡用善射殺首虜多

為郎騎嘗侍廣為上郡太守匈奴侵上郡帝使中貴

人從廣內臣之貴幸者勒習兵擊匈奴中貴人者將數十騎

冊府元龜 總錄部 卷之六十四 四

從將數十騎自隨在大軍前行而忽遇敵也見匈奴三人與戰射傷中貴

人殺其騎且盡中貴人走廣走趣也廣曰是必射鵬者

也廣乃從百騎往馳三人疾馳而逐之三人匹馬步行行

數十里廣令其騎張左右翼旁引其騎若鳥翼之焉而廣身自

射彼三人者殺其二人生得一人果匈奴射鵬者也

廣嘗出獵見草中石以為虎而射之中石没矢視之

石也他日射之終不能人矣廣所居郡聞有虎嘗自

射之及居右北平射虎虎騰傷廣廣亦射殺之其射

見敵非在數十步之內度不中不發發即應弦而倒

甲比其將數困辱及射猛獸亦數為所傷廣為人長

援臂臂如援臂通背其善射亦天性雖子孫他人學者莫能

及廣呐口少言與人居則畫地為軍陳射闕狄以飲

專以射為戲

張隆景帝時為輕車武射以善射帝幸近之

霍去病武帝時以皇后姊子年十八為侍中善騎射

堂邑父胡人善射與張騫使月支留匈奴中窮急射

禽獸給食歸漢拜為奉使君

後漢董卓膂力過人雙帶兩鞬左右馳射為羌胡所

畏位至相國

呂布為奮武將軍時袁術遣將紀靈等攻劉備於徐

州布救之屯沛城外請靈等與共饗飲布曰備吾弟也為諸君所困故來救之布性不喜合鬪但喜解鬪耳乃令軍候植戟於營門布彎弓顧曰諸君觀布射戟小支中者當各解兵不中可留決鬪布即一發正中戟支靈等皆驚言將軍天威也

魏成公英西域人從太祖出獵有三鹿走過前太祖命英射之三發三中皆應弦而倒太祖抵掌謂之曰但韓文約可謂盡節而孤獨不可乎
成公英昔事韓遂遂字文約
 後詔英作涼州平隴右病卒

王明山父凌坐楚王事司馬宣王誅之明山走向大原追軍及之時有飛鳥集桑樹隨低昂明山舉弓射之即倒追人乃止不復進

蜀糜竺為安漢將軍子威官至虎賁中郎將威子炤虎騎監自竺至炤皆便弓馬善射御

吳太史慈後臂善射弦不虛發嘗從孫策討麻保賊賊於屯裏緣樓上行詈以手持樓棼慈引弓射之矢貫手着棼圍外萬人莫不稱善其妙如此位至折衝

中郎將

朱才字君業為偏將軍為人精敏善騎射大帝愛異之嘗侍從遊戲

晉魏舒爲後將軍鍾毓長史毓每與叅佐射舒嘗爲
畫籌而已後遇朋人不足以舒滿數毓初不知其善
射舒容範閑雅發無不中舉坐愕然莫有敵者毓歎
而謝曰吾之不足以盡卿才有如此射矣豈一事哉
王濟字武子爲河南尹未拜坐鞭王官吏免官王愷
以帝舅奢豪有牛名八百里駿嘗瑩其蹄肉濟詣以
錢千萬與牛對射而賭之愷亦自恃其能令濟先射
一發破的因據胡牀叱左右速探牛心來須臾而至
一割便去尋以白衣領太僕卒

楊濟字文通歷位鎮南征北將軍嘗從武帝較獵北
芒下與侍中王濟俱着布袴褶騎馬執角弓在輦前
猛獸突出帝命王濟射之應弦而倒須臾復一出濟
受詔又射殺之六軍大叫稱快

庾翼爲都督征討諸軍事師次襄陽大會僚佐陳旌
甲親授弧矢曰我之行也若此射矣遂三起三疊徒
衆屬目其氣十倍

謝尚爲建武將軍江夏相時安西將軍庾翼鎮武昌
尚數詣翼諮謀軍事嘗與翼共射翼曰卿若破的當
以鼓吹相賞尚應聲中之翼卽以其副鼓吹給之
桓石秀善騎射發則命中位至寧遠將軍

陳安爲劉曜所圍突圍而出雙帶兩韃左右馳射
前燕慕容根善射嘗從慕容皝行獵有一野羊立於
懸崖皝命左右射之莫有中者根自求射一發中之
賈堅字世固彎弓三十石餘慕容恪取一牛置百步
上召堅使射堅曰少壯之時能令不中今已年老正
可中之恪大笑射再發一矢拂脊一矢磨腹皆附膚
落毛上下如一恪曰復能中乎堅曰所貴以下中爲
奇中之何難一發中之堅時年已六十餘矣觀者咸
服其妙已

慕容翰皝之庶兄皝素忌之皝旣嗣位翰北投宇文
歸旣而逃歸乃遣勁騎百餘追之翰遙謂追者曰吾
旣思戀而歸理無反面吾之弓矢汝曹足知無爲相
逼自取死也吾處汝國久願不殺汝汝可自步豎刀
吾射中者汝便宜反不中者可來前也追騎解刀豎
之翰一發便中刀鏤追騎乃散
慕容盛初逃難東歸遇盜陝中盛曰我六尺之軀入
水不溺在火不焦汝欲當吾鋒乎試豎爾手中箭百
步我若中之宜慎爾命如其不中當束身相投盜乃
豎箭盛一發中之盜曰郎貴人之子故相試耳資而
遣之

宋劉榮祖北中郎將懷慎之子少好騎射為高祖所知及盧循攻逼懷慎戍在石頭時賊乘小艦入淮授柵高祖宣令三軍不得輒射賊榮祖不勝忿怒冒禁射之所中應弦而倒高祖益奇焉

卜天興父名祖高祖聞其有幹力召補隊主從征伐天興善射弓力兼倍容貌嚴正笑不解顏太祖以其舊將子使教皇子射位至廣威將軍

臧熹習騎射志在立功嘗至溧陽縣令阮崇與熹共獵值虎突圍獵徒竝奔散熹直前射之應弦而倒南齊垣儂伯少負氣豪俠妙解射雉尤為武帝所重

以為直閣將軍

柳世隆與瑯琊王贍博射嫌其皮闊乃摘梅帖鳥味之上發必命中觀者驚駭位至左光祿大夫張敬兒年少便馬有膽氣好射虎發無不中位至開府儀同三司

劉繪為寧朔將軍雖豪俠嘗惡武事雅善博射未嘗跨馬

梁曹景宗新野人父欣之仕宋為徐州刺史景宗善騎射好畋獵嘗與少年數十人澤中逐麀鹿每還騎赴鹿鹿馬相亂景宗於衆中射之人皆懼中馬足鹿

應弦輒斃以此爲樂未弱冠欣之於新野遣出州以
匹馬將數人於中路卒逢蠻賊數百圍之景宗帶百
餘箭乃馳騎四射每箭殺一蠻遂散走

陳褚玠剛毅有膽決善騎射嘗從司空侯安都於徐
州出獵遇有猛虎玠引射之再發皆中口入腹俄而
虎斃位至御史中丞

樊毅累葉將少習武善射毅弟猛幼儻既壯使弓
馬位至護軍將軍

後魏長孫頽嵩子也善騎射彎弓三百斤位至征南
大將彎弓獵方山有兩狐起於御前詔頽射之百步

狐俱獲

楊播爲右衛將軍時孝文曜威汜水上已設宴帝與
中軍彭城王勰賭射左衛元暹在勰朋內而播居帝
遭遙射侯正中籌限已滿帝曰左衛籌足右衛不得
不解播對曰仰恃聖恩庶幾必爭於是彎弓而發其
箭正中帝笑曰養繇基之妙何復過是遂舉卮酒以
賜播曰古人酒以養病朕今賞卿之能可謂今古之
殊也

奚康生少驍武彎弓十石矢異尋嘗宣武聞之故作
大弓兩張長八尺把中圍尺有二寸箭鹿麕今之長

笛送康生康生便集文武用之乎射猶餘有力觀者以爲絕倫康生爲中堅將軍時蕭鸞置義陽招誘邊民康生復爲統軍從王肅討之進圍其城鸞將張休護自昇城樓言辭不遜肅令康生射之以強弓大箭望樓射窻扉卽入應箭而斃彼民見箭皆云強弩以殺伏護賞帛一千疋又頻箭再捷其軍賞三階帛五百疋

爾朱兆榮之從子驍勇善騎射榮曾送臺使見二鹿乃命兆前止授二箭曰可取此鹿供今食也遂停馬構火以待之俄然兆獲其一榮欲矜誇使人責兆曰何不盡取杖之五十位至領軍將軍領左右并

史

賀援岳初爲太學生長以弓馬爲事與父兄赴授懷朔賊王衛可瓌在城西三百餘步岳乘城射之箭中懷臂賊衆大駭瓌岳爲西道都督能左右馳射與爾朱天光討萬俟醜奴岳廟長安時萬俟醜奴遣大行臺尉遲菩薩向武功南渡渭水攻圍趣柵天光遣岳率騎一千馳往赴救菩薩攻柵已尅還據岐州岳以輕騎八百北渡渭水擒賊令殺掠其民以挑菩薩菩薩陸果率步騎二萬餘人至渭水北岳以輕騎數十與

菩薩隔水交言岳稱揚國威菩薩自言強盛往復數
返菩薩乃自憍令省事傳語岳怒曰我與菩薩言卿
是何人與我對語省事恃水應答不遜岳舉弓射之
應弦而倒

尉多侯弟子慶賓善騎射有將畧高祖時釋褐員外
散侍郎稍遷左將大中大夫

北齊斛律金朔州救勒部人善騎射初為軍主與懷
朔鎮將楊約送躡躡主阿那瓌還北瓌見金射獵深
歎其工

子光字明月文襄從出見鴈雙飛來文襄使光射之
以二矢俱落野焉後為太傅

巢顯少經軍旅善於騎射魏末從孝莊帝出獵一日
之中手獲禽獸七十三

斛律光字明月羨字豐雒皆大師金之子少工騎射
其父每日令其出獵還即較所獲禽獸光所獲或少
必麗龜達腋羨雖獲多非要害之所光嘗蒙賞羨或
被捶撻人問其故金答云明瞻必背上著箭豐雒隨
處即下手其數雖多去兄遠矣聞者咸服其言嘗從
金西征周文帝長史莫者暉在行間光年十七馳馬
射中之因擒於陣神武即擢授都督封永樂子又嘗

從文襄出野見鴈雙飛來帝使馳射之二矢俱落又從於洹橋較獵見一大鳥雲表飛颺光引弓射之正中其頸此鳥形如車輪旋轉而下至地乃大鵬也文襄取而觀之深壯異焉承相屬邢子高見而歎曰此射手也當時轉號落鵬都督位至左丞相

皮景和善騎射事神武爲親信副都督武定二年征步落稽文襄疑賊爲有伏兵令景和將五六騎深入一谷中值賊百餘人便共格鬪戰景和射數十人莫不應弦而倒神武曾令射一野豕一箭而獲之深見嗟賞天統二年爲侍中周通好之後冠蓋來往嘗令

景和對每與使同射百發百中甚見推重

元景安爲車騎大將軍孝昭曾與功臣於西園聽射文武預者二百餘人設塚去堂百四十餘步中射者賜以良馬及金玉錦綵等有一人射中獸頤去鼻寸餘唯景安最後有一矢未發帝令景安解之景安徐整容儀操弓引滿正中獸鼻帝嗟賞稱善特賞馬兩疋玉帛雜物又加嘗等

後周寶熾仕魏爲武厲將軍孝武卽位躡躡等諸蕃竝遣使朝貢帝臨軒宴之有鴟飛鳴於殿前帝素知熾善射因欲示遠人乃給熾御箭兩隻命射之鴟乃

應弦而落諸蕃人咸歎異焉帝大悅賜帛五十疋太祖田於渭北令熾與晉公護分射走兔熾一日獲十七頭護十一頭

宇文顯和性矜嚴頗涉經史膂力絕人彎弓數百斤能左右馳射顯和初從魏孝武人關至漆水太祖素聞其善射而木之見也俄而水傍有一小鳥顯和射而中之太祖笑曰我知卿工矣其後引爲帳內大都督

宇文貴魏末從文帝在天遊園以金卮置侯上令公卿射中者卽以賜之貴一發而中帝笑曰繇基之妙正當爾耳位至小司徒

王傑爲驃騎大將軍魏恭帝元年從於謹圍江陵時柵內有人善用長稍戰士將登者多爲所斃謹令傑射之應弦而倒登者乃得入餘衆繼進遂拔之謹喜曰濟我大事者在公此箭也

李遠嘗按獵於莎柵見石於聚薄中以爲伏兔射之而中鏃入寸餘就而視之乃石也太祖聞而異之賜書曰昔李將軍廣嘗有此事公今復爾可謂世載其德雖熊渠之名不能獨擅其美位至柱國大將軍尉遲綱迥之弟迥率衆伐蜀綱從太祖送之於城西

見一走兔太祖命綱射之誓曰若獲此兔必常破蜀
 俄而綱克兔而返太祖喜曰事平之日當賞汝佳口
 及克蜀賜綱侍婢二人嘗從太祖北狩雲陽值五鹿
 俱走綱獲其三每遊宴太祖以珍異之物令諸功臣
 射而取之綱所獲輒多位至陝州總管
 賀拔勝長於喪亂之中尤工武藝走馬射飛鳥十中
 其五六後從太祖宴於昆明池時有雙鳧遊於池上
 太祖乃授弓矢於勝曰不見公射久矣請以為歡勝
 射之一發俱中位至太師

李景為儀同三司驍勇善射平齊之役頗有力焉

豆盧寧少驍果有志氣身長八尺美容儀善騎射以
 別將隨爾朱天光入關以破萬俟醜奴嘗與梁企定
 遇於平涼川相與肄射乃於百步懸莎草以射之七
 發五中企定時以為能贈遺甚厚
 賀若敦少有氣幹善騎射初從獨孤信於維陽被圍
 敦寧弓三石箭不虛發位至中州刺史
 史雄大將軍寧之子年十四從寧於率毛山奉迎太
 祖仍從較獵弓無虛發太祖歎異之位至馭中大夫
 隋長孫晟善彈工射趨捷過人初周室尚武貴遊子
 第咸以相矜每共馳射時皆出其下年十八為司衛

上士晨使突厥嘗有二鵬飛而爭肉突厥攝圖以兩箭與晟曰請射取之晟乃彎弓馳見群鵬相攫遂一發而雙貫焉開皇中晟持節護突厥突厥悅附尋以突厥染干爲意彌豆敏人可汗賜射於武安殿選善射者十二人分爲兩朋敏人曰臣繇長孫大使得見天子今日賜射願入其朋許之給晟箭六隻發皆中鹿敏人之朋竟勝時有鳶群飛高祖謂晟曰公善彈爲我取之十發俱中並應丸而落是日百官獲鳶晟獨居多位至右驍衛將軍

史萬歲少趨捷射迥之亂萬歲從梁士彥擊之軍次馮翊見群鴈飛來萬歲謂士彥曰請射行中第三者旣射之應弦而落三軍莫不悅服位至河州刺史賀若弼爲武侯大將軍嘗遇突厥入朝高祖賜之射突厥一發中的帝曰非賀若弼無能當此於是命弼弼再拜而祝曰若赤誠奉國者當一發破的如其不然發不中也旣射一發而中帝大悅顧謂突厥曰此人天賜我也

蘇夔少聰敏解騎射年十三從父至尚書嘗與安德王雄馳射賭得雄駿馬而歸位至通議大夫崔彭爲備身將軍高祖嘗宴達頭可汗使者於武德

殿有鴿鳴於梁上帝命彭射之既發而中帝大悅賜
 錢壹萬貫及使者反可汗復遣使於帝曰請得崔將
 軍一與相見帝曰此必善射聞於虜庭所以來請耳
 遂遣之及至匈奴中可汗召善射者數十人因擲肉
 於野以集飛鳶遣其善射者射之多不中復請彭射
 之彭連發數矢皆應弦而落突厥相顧莫不歎服可
 汗留彭不遣百餘日帝賂以綵然後得歸
 宇文忻年十二能左右馳射驍捷若飛位至右領軍
 大將軍

虞慶則幼而雄毅身被鎧帶兩韃左右馳射本州豪
 俠皆驚憚之位至右武侯大將軍

韓洪字叔明擒虎季弟平陳之役授行軍總管及陳
 平晉王大獵於蔣山有猛虎在園中衆皆懼洪馳馬
 射之應弦而倒陳氏諸將觀於側莫不歎伏焉王大
 喜賜縑百疋

唐張士貴本名忽肆膂力絕人彎弓一百五十斤左
 右馳射矢不虛發

屈突適雍州長安人爲工部尙書檢身清正好武畧
 善馳射平王世克功爲第一
 馮盎討諸叛獠有賊數萬屯據險要不可攻逼盎持

弓語左右曰盡吾此箭可知勝負連發七矢而中七人盜位至上柱國高羅總管

薛仁貴領兵擊九姓突厥於天山將行高宗出甲令仁貴試之上曰古之善射有穿七札者卿且射五重仁貴射而洞之高宗大驚更取堅甲以賜之時九姓有衆十餘萬令驍捷數十人逆來挑戰仁貴發三矢射殺三人其餘一齊下馬請降仁貴恐爲後患竝坑殺之更就積井討其餘衆擒其僞葉護兄弟三人而還軍中歌曰將軍三箭定天山戰士長歌入漢關位至右領軍衛將軍

李巨爲夷陵太守安祿山反玄宗方擇將帥張增言巨善騎射

李晟少從軍於河西節度使王忠嗣擊吐蕃有驍將乘城拒鬪頗多殺士卒忠嗣募軍中能射者射之晟乃引軍一發而斃三軍大呼忠嗣厚賞之因撫其背曰此萬人之敵也位至太尉中書令
王栖曜貞元初爲浙西都知兵馬使從節度使韓滉入覲授左龍武將軍知軍事歲餘爲臈坊節度觀察使久之檢校禮部尚書栖曜性謹厚善騎射始起兵涉寇境太深遇遊騎四合百步內立表俾之環視發

必破的虜相顧恐懼徐而解去嘗獵會稽山有白額獸卒起草中應弦而斃在蘇州嘗與諸文士遊武丘寺平野霽日先一箭射空再發貫之江東文士自梁肅以下歌詠焉

伊慎少以善騎射為果毅

李光顏與兄光進以葛旃善騎射弟兄自幼皆師之葛旃獨許光顏之勇健已不能及位至河東節度使梁霍存從太祖圍濮州有賊外眺樓大詬太祖怒甚召存射之矢一發而屍墮其下賞賚甚厚

胡貞江陵人也為寧遠軍節度使容州刺史貞體貌

洪壯長七尺善騎射少為縣吏及在巢寇中推為名將隨巢涉淮泅陷許維入長安及太祖以眾歸唐貞時為元從都將從至梁苑表授檢校刑部尚書後唐李嗣恩字武人騎射推於軍中嘗有時輩臂餞鷹矜其博擊武人持鳴鏑一隻賭其符獲暮乃多之位至諸軍都指揮使

索自通少能騎射嘗於山墅射獵莊宗鎮大原時遇之於野詳其姓名即補右番廳直軍使後因從獵射中走鹿轉指揮使

張敬遠小字生鐵少以騎射著名位至晉州節度使

安元信少有勇力自後唐太祖領太原隸於麾下天祐三年梁人圍李嗣昭於上黨與上將周德威救之一日德威為敵所困梁之驍將有奉武者屢犯我軍元信飛一矢隨而斃之德威軍遂振太祖聞之以所乘馬并噐仗賜之奏加檢校司空明年莊宗解圍上黨承制授元信遼州刺史加檢校司徒

米漢賓少時善射嘗因與同輩出獵指一飛鴈隨矢而落其鏃正中其臆臆上貫一金錢字有篆文示其郡之碩學皆無識者人甚異之繇是人皆號曰米落

鴈

一云嘗為落鴈軍較

位至太子少保致仕

晉陸思鐸初仕梁以善射日預其戰嘗於箭筈上而自鏤其姓名一日射中莊宗之馬鞍莊宗拔箭視之觀思鐸姓名因而記之及莊宗平梁思鐸以例來降莊宗出其箭以示之思鐸伏地待罪莊宗慰而釋之後為梁州刺史尤以挽強見稱明宗舉兵討荆南思鐸與其行時高季興以舟兵拒我思鐸每發矢中敵人則洞胸達腋繇是前鋒稍挫不敢輕進諸軍咸壯之

景延廣陝州人也為侍衛親軍都指揮使延廣少習射以挽疆見

安重榮朔州人爲成德軍節度使嘗與北來蕃使並轡而行指飛鳥射之應弦而落觀者萬衆無不快抃蕃使因輟所乘馬以慶之繇是名振北狄自謂天下可以一箭而定

漢郭謹字守節太原晉陽人乾祐初爲彰德軍節度使謹少從軍能騎射

周李從敏唐明宗之諸子也沉厚寡言善騎射多計數初莊宗乃見試弓馬用爲衛內馬軍指揮使

高行周初在後唐遷潁州團練使郡境北多鷲獸一日牧豎言有伏虎卽跨馬彎弧視之虎見騎集厲吻而起行周矢一發洞胸而斃

李建崇潞州人爲左監門衛上將軍少從軍騎射事太祖爲鐵林都將轉突騎飛騎二軍使從莊宗平定魏博諸州

安叔千晉高祖朝爲振武節度使習騎射嘗備邊於塞上亦事太祖莊宗嘗率驍騎爲前鋒

慕容彥超爲節度使起家事唐明宗爲小豎明宗卽位補供奉官幼習騎射旣居近職監臨奉使熟於軍旅稍遷軍職漸至列校

和凝十九仕梁登進士第滑師賀瓌知其名辟寘幕

下凝尤善射時環與莊宗相拒於河上戰於胡柳陂
環軍敗而莊唯凝隨之環顧曰無相隨當自努力凝
對曰大丈夫受主知有難不報非素志也但恨未有
死所耳旋有一裨將來逐環凝叱之不止遂引弓以
射應弦而死環獲兔旣而謂諸子曰昨非和公無以
至此和公文武全才而有志氣後必享重位爾宜謹
事之遂以女妻之繇此聲望益隆

册府元龜

册府元龜

淮南李嗣京叅閱

西極文翔鳳訂正

豫章黃國琦較釋

總錄部 九十七

勇

夫孔武有力臨難忘死厲氣決鬪摧堅陷敵桓桓焉
赴赴焉冠三軍而敵萬夫者可謂勇矣春秋之際以
兵戰為務故以強有力聞於時者為多焉漢魏而下
壯夫迭作至如英威蓋世雄名震俗乘危而靡顧遭

患能奮見義必赴所向無前戮勅寇而致果格鷲獸而服猛至乃楸勳烈齒榮爵氣激於當時聲讐於殊俗者蓋有之矣傳曰君子有勇而無義為亂若恃匹夫之力昧經典之訓違乃達德嗇於致禍斯固暴虎馮河死而無悔之徒歟

卻叔虎晉人也晉獻公伐翟相卻叔虎將乘城乘升

其徒曰棄政而役非其任也政職也侵服戎役卻叔虎曰既

無老謀而又無壯事何以事君壯事力役也言事君無謀又恥無功破

羽先升遂尅之羽鳥羽破於背若今軍將負貶

秦董父魯人也晉會諸侯伐偃陽主人縣布董父登

之及堞而絕人偃陽人縣布以試外勇者隊則又縣之蘇而復上

者三主人辭焉乃退主人喜其勇故辭謝不復縣布帶其斷以徇於

軍三日

太叔段鄭莊公弟也叔多才而好勇故詩曰太叔於

田禮禡暴虎獻於公所禮禡肉祖也暴虎空手搏之獻於公所進於君也

熊宜僚楚人也初楚平王太子建之子白公勝將作

難謂石乞曰王與二卿士皆以五百人當之則可矣

乞曰不可得也市南有熊宜僚者若得之可當五百

人也乃從白公而見之與之言悅告之故辭承之以

劍不動拔劍指其喉勝曰不為利陷不為威惕不泯人言

以求媚者去之

曹沫者魯人也以勇力事魯公

州綽邢蒯晉大夫皆勇士也奔齊齊莊公朝指殖綽

郭最曰是寡人之雄也州綽曰君以為雄誰敢不雄

然臣不敏平陰之役先二子鳴前晉伐齊及平陰州綽獲殖綽郭最故自

比與鷄關莊公為勇爵設爵位以殖綽郭最欲與焉

勝而先鳴州綽曰東門之役臣左驂迫還於門中識其板

自以數識門其可以與於此乎公曰子為晉君也對曰臣

為隸新言但為僕然二子者譬於禽獸臣食其肉而

寢其皮矣言嘗射

斐豹晉人也樂盈率曲沃之甲魏獻子以晝入絳初

斐豹隸也著於丹書蓋犯罪沒為官樂氏之力臣曰

督戎國人懼之斐豹謂宣子曰苟焚丹書我殺督戎

宣子喜曰而殺之所不請於君焚丹書者有如日言不

負要盟乃出豹而閉之閉着督戎從之踰隱而待之

隱短督戎踰入豹自後擊而殺之

敵無存齊人也齊侯伐晉夷儀為衛敵無存之父將

室之辭以與其弟室之謂曰此役人也不死反必娶

於高國高氏國氏齊貴族也無存先登求自門出死

於雷下既入城夷儀人不服故

涉佗晉人也晉趙鞅圍衛報夷儀也初魏侯伐邯鄲

戰午於寒氏邯鄲廣平縣也午晉邯鄲大夫寒氏城

其西北而守之宵燔午聚及晉圍衛午以徒七十人

門於衛西門殺入於門中曰請報寒氏之役衛開門與午鬪

涉佗曰夫子則勇矣然我往必不敢啟門亦以徒七

十人且門焉步左右皆至而立如植至其門下步行門左右然後立

待如立木不日中不啟門乃退

仲由字子路衛人也性鄙好勇立志伉直冠雄鷄佩

殺豚冠以雄鷄佩殺豚二物皆陵暴孔子子路問君

子尚勇乎孔子曰義以為上君子好勇而無義則亂

既稱君子不職為亂階也若君親失道國家昏亂其

於赴忠致命而不知正顧義者則亦陷乎為亂而受

不義之責也小人好勇而無義則盜子又曰由也好勇過

我無所取材若由也不得其死然

公良孺子者孔子弟子孔子去陳過蒲會公叔民以

蒲畔蒲人止孔子公良孺以私車五乘從其為人長

賢有勇力謂曰吾昔從夫子遇難於長垣今又遇難

於此命也已吾與夫子再懼難寧鬪而死鬪甚疾蒲

人懼出孔子

蓄丘訴東海勇之上士也以勇聞於天下遇神淵曰

飲馬其僕曰飲馬此者馬必死日以訢之言飲之其

馬果沉菑丘訢去朝服拔劍而入三日三夜殺三蛟一龍而出雷神隨而擊之十日十夜眇其左目要離聞之往見之曰訢在乎曰送有喪者往見訢於墓曰聞雷神擊子十日十夜眇子左目夫天怒不旋目人怨不旋踵至今弗報何也叱而去墓上振憤者不可勝數要離歸謂其人曰菑丘訢天下之勇士也今日我辱之人中是其必來攻我暮無閉門寢無閉戶菑丘訢果夜來拔劍住要離頸曰子有死罪三辱我以人中死罪一也暮不閉門死罪二也寢不閉戶死罪三也要離曰子待我一言子來不謁不肖一也拔劍不刺不肖二也又先辭後不肖三也子能殺我者是毒藥之死耳菑丘訢引劍而去曰嗟所不若天下惟此子耳

公孫接田開疆古治子事齊景公以勇力搏虎聞晏子過而趨三子者不起晏子人見曰臣聞明君之畜勇力之士也上有君臣之義下有長率之倫內可以禁暴外可以威敵上利其功下限其勇故尊其位重其祿今君之畜勇力之士也上無君臣之義下無長率之倫內不可以禁暴外不可以威敵危國之器也不若去之公曰三子者搏之恐不得刺之恐不中也

晏子曰此皆力政勅疆之人也無長幼禮公使人少
餽之二桃三子何不計功而食桃公孫接仰天而歎
曰晏子也夫使公計吾功者不受桃是無勇也士衆
而桃寡何計而食桃矣接一搏特循而再搏乳虎若
接之功可以食桃而毋與人同矣援桃而起田闢疆
曰吾杖兵而卻三軍者再若開疆之功亦可食桃而
無與人同矣援桃而起古治子曰吾嘗從君濟於河
龜銜左驂以入砥柱之一流當是時也治少不能遊
潛行逆流百步順流九里得龜而執之左操馬尾右
擊龜頭騰躍而出津人皆曰河泊也若治之視之則
大龜之首也若治之功者亦可以食桃而毋與人同
矣二子者何不反桃抽劍而起公孫接田開疆曰吾
勇不子若功不子逮取桃不讓是貪也然而不死無
勇也皆反桃擊領而死古治子曰二子死之治獨生
之不仁矣夫恥人以言而夸其聲不義恨於所行而
不死無勇雖然二子同桃而節治專桃而宜亦反其
桃挈領而死待者復已死矣斂之以服塋以士禮焉
成覲謂齊景公曰彼丈夫也我丈夫也吾何畏彼哉
成覲勇果者也與景公言曰尊貴者與我
同丈夫耳我亦能爲之我何爲畏之者也
比宮黜之養勇也不膚撓不目逃思以一毫挫於人

若捷之於市朝黜有人刺其肌膚不為捷卻刺其目目不轉睛避也

示莊子欲刺虎館豎子止之曰兩虎方且食牛食其必爭爭則必鬪鬪則大者傷小者死從傷而刺之一舉必有雙虎之名示莊子以為然立須之有頃兩虎果鬪大者傷小者死莊子從傷者而刺之一舉果有雙虎之功示莊子好勇每急時三戰而三背交遊非之國君辱之示莊子受命顏色不變及母死三年魯興師示莊子請從至見於將軍曰前猶與母處是以戰而背也辱吾身今母歿矣請雪責遂走敵而鬪獲甲首而獻之請以此雪再北將軍止之曰不足上又

獲甲首而獻之請以此雪三北將軍止之曰是矣請

為兄弟示莊子曰夫背以養母也今母歿矣吾責雪

矣吾聞之廉人不以辱生遂奔敵殺七十人而死

齊之好勇者其一人居東郭其一人居西郭卒然相

遇於途曰姑相飲乎觴數行觴爵也曰姑求肉乎一人

曰子肉也我肉也尚胡革求肉而為豈為也於是具染

而已染謂醬也因抽刀而相啗至死而止勇若此不若無

酒以成禮弗繼以淫義也勇而相啗無禮之甚故曰不若無

藺相如趙人也趙惠文王十九年秦王使使者告趙

王欲與王為好會於河西外澠池趙王畏秦欲毋行

廉頗藺相如計曰王不行示趙弱且怯也趙王遂行相如從廉頗送至境與王訣曰王行度道里會遇之禮畢還不過三十日三十日不還則請立太子為王以絕秦望王許之遂與秦王會澠池秦王飲酒酣曰寡人竊聞趙王好音請奏瑟趙王鼓瑟秦御史前書曰某年月日秦王與趙王會飲令趙王鼓瑟藺相如前曰趙王竊聞秦王善為秦聲請奏盆缶秦王以相娛樂缶者瓦器所以盛酒漿秦人鼓之以節歌也秦王怒不許於是相如前進缶因跪請秦王秦王不肯擊缶相如曰五步之內相如請得以頸血濺大王矣左右欲刃相如相如

張曰叱之左右皆靡於是秦不憚為一擊缶相如曰顧召趙御史書曰某年月日秦王為趙王擊缶秦之群臣曰請謀以趙十五城為秦王壽藺相如亦曰請以秦之咸陽為趙王壽秦王竟酒終不能加勝於趙趙亦盛設兵以待秦秦不敢動既罷歸國以相如功大拜為上卿

毛遂者趙之平原君客也平原君喜賓客至者數千人秦之圍邯鄲趙使平原君求救合從於楚約與食客門下有勇力文武備具者二十人偕平原君曰使文能取勝則善矣文不能取勝則歃血於華屋之下

必得定從而還士不外索取於食客門下足矣得十
九人餘無可取者無以滿二十人門下有毛遂者前
自贊於平原君曰遂聞君將合從於楚約與食客門
下二十人偕不外索今少一人願君卽以遂備員而
行矣平原君曰先生處勝之門下幾年於此矣毛遂
曰三年於此矣平原君曰夫賢士之處世也譬若錐
之處囊中其末立見今先生處勝之門下三年於此
矣左右未有所稱誦勝未有所聞是先生無所有能
也毛遂曰臣乃今處囊中耳使遂蚤得穎脫而出非
惟其末見而已平原君竟與毛遂偕十九人相與目

笑之而未發也毛遂比至楚與十九人論議十九人
皆服平原君與楚合從言其利害日出而言之日中
不決十九人謂毛遂曰先生上毛遂按劍歷階而上
謂平原君曰從之利害兩言而決耳今日出而言日
中不決何也楚王謂平原君曰客何爲者也平原君
曰是勝之舍人也楚王叱之胡不下吾乃與而君言
汝何爲者也毛遂按劍而前曰王之所以叱遂者以
楚國之衆也今十步之內王不得恃楚國之衆也王
之命懸於遂手吾君在前叱者何也且遂聞湯以七
十里之地王天下文王以百里之壤而臣諸侯豈其

士卒衆多哉誠能據其勢而奮其威今楚地方五千里持戈百萬此霸王之資也以楚之疆天下弗能當白起小豎子耳率數萬之衆興師以與楚戰一戰而舉鄢郢再戰而燒夷陵三戰而辱王之先人此百世之怨而趙之所羞而王弗知惡焉合從者爲楚非爲趙也吾君在前叱者何也楚王曰唯唯誠若先生之言謹奉社稷以從毛遂曰從定乎楚王曰定矣毛遂謂楚王之左右曰取鷄狗馬之血來毛遂奉銅盤而跪進之楚王曰王當歃血而定從次者吾君次者遂遂定從於殿上毛遂左手持盤血而右手招十九人

曰公相與歃血於堂下公等錄錄音祿所謂因人成事者也

次非荆人也一作次飛得寶劍於干遂干遂邑名還返涉

江至於中流有兩蛟夾繞其船次非謂舟人曰汝嘗

見兩蛟夾舟而舟中之人有全活者乎舟人曰未之

見也次非曰若如是吾固江中之腐朽骨耳棄劍而

已余何愛焉遂攘臂祛衣拔劍赴江刺蛟殺之而復

上舟中之人皆獲全荆王聞之仕以執圭周禮侯執信圭楚以

次非爲勇武侯

秦舞陽燕國勇士也年十三殺人人不敢忤視

漢項籍字羽長八尺二寸力扛鼎

扛舉也音江

才氣過人

吳中子弟皆憚籍漢軍與羽軍相守廣武羽令壯士

出挑戰漢有善騎射曰樓煩

樓煩胡人也後為縣屬鴈門北縣人善騎射謂

士為樓煩取其稱耳未得樓煩人也

楚挑戰三合樓煩輒射殺之羽大

怒自被甲持戟挑戰樓煩欲射羽瞋目叱之樓煩目

不能視手不能發走還入壁不敢復出漢王使問問

之乃羽也後至垓下為漢兵所圍夜直潰圍南出漢

軍追之至東城乃有二十八騎追者數千羽自度不

得脫謂其騎曰吾起兵至今八歲矣身七十餘戰所

當者破所擊皆服未嘗敗北遂霸有天下然今卒困

於此此天亡我非戰之罪也今日固決死願為諸君

決戰必三勝之為諸君潰圍斬將艾旗乃後死

艾音刈

使諸君知吾非用兵罪天亡我也於是引其騎因四

隕山

四下陂陁也隕音徒回反

而為圍陳外嚮漢騎圍之數重羽

謂其騎曰吾為公取彼一將令四面騎馳下期山東

為三處於是羽大呼馳下漢軍皆披靡遂殺漢一將

是時楊喜為郎騎追羽羽還叱之喜人馬俱驚辟易

數里與其騎會三處漢軍不知羽所居分軍為三復

圍之羽乃馳復斬漢一都尉殺數十百人復聚其騎

亡兩騎乃謂騎曰何如騎皆服曰如大王言

季心布弟也以勇聞關中後為中司馬

朱雲字子游魯人嘗借客報讐以勇力聞官至槐里

令

李禹敢之子也亦有勇嘗與侍中貴人飲侵陵之莫

敢應後愬之武帝帝召禹使刺虎縣下圈中未至地

有詔引出之禹從落中以劍斫絕纜欲刺虎落與絡同謂當

細時絡之而下也纜索也帝壯之遂救止焉

後漢銚期潁川邾人也光武畧地潁川聞期志義召

署賊曹掾從光武徇薊時王郎檄書到薊薊中起兵

應郎光武趨駕出百姓聚觀誼呼蒲道遮路不得行

期騎馬奮戟填目大呼左右曰趨眾皆披靡及至城

門門已閉攻之得出位至衛尉卒

益延身長八尺彎弓三百斤邊俗尚勇力而延以氣

聞後為虎牙將軍封安平侯復拜左馮翊薨於位

朱暉有氣决年十三王莽敗天下亂與外氏家屬從

田間奔入宛城道遇群賊白刃劫諸婦女畧奪衣物

昆弟賓客皆惶迫伏地莫敢動暉拔劍前曰財物皆

可取耳諸母衣不可得今日朱暉死日也賊見其小

壯其志笑曰童子內刃遂捨之而去後位為尚書令

以老病乞身拜騎都尉卒

彭脩年十五時父爲郡吏得休與脩俱歸道爲盜所劫脩困迫乃拔佩刀前指盜帥曰父辱子死卿不顧及邪盜相謂曰此童子義士也不宜逼之遂辭謝而去鄉黨稱其名

楊政字文行京兆人嘗過揚虛侯馬武武稱疾見政去對柅邊牀臥欲令政拜牀下政入戶前排武徑上牀坐武恨語言不悛政把武手責之曰卿蒙國恩備位藩臣不思求賢助國而驕天下英俊今日動者刀入脅左右大驚以爲見劫操兵滿側顏色自若會信陽侯至責數武令爲朋友其剛果勇敢皆此類也官

至左中郎將

五孚字德瑜汝南吳房人質性剛毅勇壯好義力能

兼人

孫堪以節介氣勇自許王莽末兵革並起宗族老弱在營保間堪嘗力戰陷敵無所回避數被創及宗族刺之郡中咸服其義勇位至侍中騎都尉

牛邯字孺卿狄道人有勇力才氣雄於邊陲

魏臧霸字宣高泰山人父戒爲縣獄掾據法不聽太守所欲殺太守怒收戒詣府送者百餘人霸年十八將客數人於南山中奪之送者莫敢動因與父俱亡

命東海繇是以勇壯聞後爲執金吾位特進

呂布字奉先五原人也董卓爲都尉卓每以布自衛
布嘗小失於卓拔戟擲之布趨捷得免布繇是陰怨
於卓布後應王允於門刺殺卓卓將李傕等阻兵布
自南陽從袁術自術又投袁紹紹與布擊張燕布嘗
御良馬號赤兔能馳城飛堊遂突張燕軍陣一日或
至三四皆斬首而出遂破燕軍

許褚字仲康長八尺大十圍勇力絕人太祖初見曰
此樊噲也卽日拜都尉

鮑出字文才京兆新豐人也少游俠興平中三輔亂
出與老母兄弟五人家居本縣以饑餓留其母守舍
相將行採蓬實合得數升使其二兄初雅及其弟成
持歸爲母作食獨與小弟在後採蓬初等到家而噉
人賊數十人已畧其母以繩貫其手掌驅去初等怖
恐不敢追逐須臾出從後到知母爲賊所畧欲追賊
兄弟皆云賊衆當如何出怒曰有母而使賊貫其手
將去煮噉之用活何爲乃攘臂結袖獨追之行數里
及賊賊望見出乃共布列待之出到同從一頭斫賊
殺四五人賊走復相合聚圍出出跳越圍斫之又殺
十餘人時賊分布驅出母前去賊連擊出不乃走

與前輩合出復追擊之還見其母與比舍姬同貫相連出遂復奮擊賊賊問出曰卿欲何得出責數賊指其母以示之賊乃解還出母比舍姬獨不解遙望出求哀出復斫賊賊謂出曰已還卿母何爲不止出又指求哀姬此我嫂也賊復解還之出得母還遂相扶持客南陽

劉曄淮南成德人也漢末揚土多輕俠狡桀有鄭寶張多許乾之屬各擁部曲寶最驍果才力過人一方所憚欲驅畧百姓越赴江表以曄高族名人欲彊逼曄使倡導此謀曄時年二十餘心內憂之而未肯緣

會太祖遣使詣州有所案問曄往見爲論事勢要將與歸駐止數日寶果從數百人賫牛酒來候使者曄令家僮將其衆坐中門外爲設酒飯與寶內宴飲密勸健兒令因行觴而斫寶性不甘酒視候甚明觴者不敢發曄因自引取佩刀斫殺寶斬其首以令其軍曰曹公有令敢有動者與寶同罪衆皆驚怖走還營營有督將精兵數千懼其爲亂曄卽乘寶馬將家僮數人詣寶營門呼其渠帥喻以禍福皆叩頭開門內曄曄撫慰安懷咸悉悅服推曄爲主終於大中大夫夏侯稱淵之子也年十六淵與之田見奔虎稱驅馬

逐之禁之不可一箭而倒名聞太祖太祖把其手喜
曰我得汝矣

丁原字建陽本出自寒家爲人龐畧有武勇善騎射
爲南縣吏受使不辭難有驚急追寇虜輒在其前
文儼小名鴛楊州刺史欽之子也欽之舉兵大將軍
司馬景王致兵討之將戰欽引退鴛年尚幼勇力絕
人謂欽曰及其未定擊之可破也於是分爲二隊夜
夾攻軍儼率壯士先至大呼大將軍軍中震擾欽後
期不應會明儼退欽亦引還一云鴛年十
八勇冠三軍
吳劉繇年十九從父趨爲賊所劫質繇奪取以歸繇

是顯名

太史慈字子義與楊州刺史劉繇同郡慈自遼東還
未與相見暫渡江到曲阿見繇未去會孫策至或勸
繇可以慈爲大將軍繇曰我若用子義許子將不當
笑我那因使慈偵視輕重時獨與一騎卒遇策策從
騎十三皆韓當宋謙黃蓋輩也慈便前鬪正與策對
東刺慈馬而擗得慈頂上手戟慈亦得策兜鍪會兩
家兵騎竝各來赴於是解散

徐盛字文嚮瑯琊營人遭亂客居吳以勇氣聞孫權
統事以爲別部司馬後爲安東將軍封蕪湖侯

晉吾彥初爲小將給吳大司馬陸抗抗奇其勇畧將拔用之患衆情不允乃會諸將密使人陽狂拔刀跳躍而來坐上諸將皆懼而走唯彥不動舉几禦之衆服其勇乃擢用焉終於大長秋

庾東以勇力聞武帝時有西域健胡趨捷無敵晉人莫敢與較帝募勇士唯東應選遂撲殺之名震殊俗司馬勳字偉長年十餘歲愍帝末長安陷劉曜將令狐泥養爲子及壯便弓馬能左右射咸和六年自關右還自列云是大長秋洵之玄孫冠軍將軍濟南惠王遂之曾孫零陽太守瓘之子遂拜謁者僕射以勇

聞

周訪參元帝鎮東軍謀事時有與訪同姓名者罪當死吏誤收訪訪奮擊收者數十人皆散走而自歸於帝帝不之罪

段文鴛匹礮弟也在厭次會石虎縱騎抄城左右文鴛登城臨見不勝其勇欲出擊胡匹礮疑有伏不聽出民大爲胡所殺掠文鴛單將壯士數十騎出擊胡所殺甚多胡騎退文鴛追躡匹礮率步卒繼文鴛伏騎起匹礮文鴛力戰殺胡數十文鴛還蔡裔有勇氣聲若雷震嘗有二盜入室裔拊拊一呼

而二盜俱隕故殷浩委以軍鋒焉

杜魯少驍勇絕人能破甲游於水中始爲新野王歆
鎮南參軍歷華容令至南蠻司馬凡有戰陣勇冠三
軍

桓石虔小字鎮惡有才幹趨捷絕倫從父在荊州於
獵園中見猛獸被數箭而伏諸督將素知其勇戲令
拔箭石虔因急往拔得一箭猛獸跳石虔亦跳高於
猛獸復拔一箭以歸

劉牢之字道堅曾祖羲以善射事武帝歷北地鴈門
不守父建有武幹爲征虜將軍牢之世以壯勇稱後
爲冠軍將軍豫州刺史卒

趙伯舒誘之弟也誘爲王敦參軍距杜魯弟五符與
子龔俱戰死伯舒龔之弟也王敦使周訪擊杜魯伯
舒請從行訪憚魯之強欲先以伯舒餌魯使其旣疲
而後擊之伯舒多梟首級

王機長沙人美姿儀倣儻有度量陳恢之亂機年十
七率衆擊破之

楊孜敬爲人剽銳果於行事昔與從兄佺期勸殷仲
堪殺殷顛仲堪不從孜敬拔刃而起欲自出取之仲
堪苦禁乃止

後蜀李流字互通特第四弟少好學便弓馬東羗較尉何攀稱流有資育之勇舉爲東羗督

胡盛之爲長沙王儀欣鎮軍叅軍督護討劫譙郡縣西城有馬步七十逃匿浮椿盛之挺身獨進手斬五十八級

蒯恩蘭陵人高祖征孫恩縣使伐馬芻恩嘗負大束兼倍餘人每捨芻於地歎曰大丈夫彎弓三石柰何克馬士高祖聞之卽給噐仗恩大喜自征妖賊嘗爲先登多斬首級旣習戰陣膽力過人終於司馬將軍淮臨太守

丁昨驍勇有氣力高祖之殺諸葛長民使昨拉殺之時人爲之語曰勿跋扈付丁昨

沈慶之少有志力孫恩之亂遣人寇武康慶之未冠隨鄉族擊之繇是以勇聞後爲侍中太尉柳元景少便弓馬數隨父伐蠻以勇稱後位至侍中尚書令驃騎大將軍

宗慙兄泌娶妻始入門夜被劫慙年十四挺身拒賊十餘人皆披散不得入室位至寧蠻較尉雍州刺史薛安都少以勇聞身長七尺八寸便弓馬後官至東徐州刺史

沈攸之爲郢州刺史闞虎輒自圍捕往無不得一日
或得兩三若逼暮不獲禽則宿昔圍守須曉自出
焦度爲青州刺史顏師伯輔國參軍師伯啟孝武稱
度氣力弓馬竝絕人帝召還充左右見度身形黑壯
謂師伯曰真健物也爲晉安王子勛夾轂隊王隨江
州子勛起兵以度爲龍驤將軍領三千人爲前鋒屯
赭圻每與臺軍戰嘗自跳突所向無不勝事敗逃宮
亭湖中爲寇朝廷聞其勇甚憂之使州刺史王景文
誘降焉

王宜興吳興人形狀短小而果勁有膽力少年時爲
劫不須伴郡縣討逐圍繞數十重終莫能擒

南齊崔恭祖惠景宗人也驍果便馬稍氣力絕人頗
經軍陣

戴僧靜會稽永興人屬魏軍至僧靜應暮出戰單力
直前魏軍奔退又追斬二級時天寒甚乃脫衣口銜
三頭拍浮而還位至征虜將軍廬陵王中軍司馬高
平太守卒

周奉叔持節軍王盤龍子也建元三年魏人圍角城
奉叔單馬率二百餘人結陣虜萬餘騎張左右翼繞
之一騎走還報奉叔已沒盤龍方食棄筋馳馬奮稍

直奔虜陣自稱曰周公來虜素畏盤龍驍名卽時披靡時奉叔已大殺虜得出在外盤龍不知乃衝東擊西奔南突北賊衆莫敢當奉叔見其父久不出復躍馬入陣父子兩騎縈攪數萬人虜衆大敗盤龍父子繇是名播北國形甚羸訥而臨軍勇果諸將莫逮桓康北蘭陵承人也勇果驍悍初隨武帝起義爲郡兵追急皆散康裝擔一頭貯穆后一頭貯文惠太子及竟陵王子良自負置山中與門客蕭欣祖四十餘人相結破獄出武帝郡兵追急康死戰破之隨武帝起兵推堅陷陣所經村邑恣行暴害江南人畏之以其名怖小兒畫其形狀於寺中病瘡者寫其形帖着床壁無不立愈後爲驍騎將軍卒

梁牟鴉仁字孝穆大山鉅平人少驍果有膽力率兄弟自魏歸國位至北司州刺史

曹景宗字子震新野人父欣之爲徐州刺史遣景宗出州以疋馬將數人於道路卒逢蠻賊數百圍之景宗帶百餘箭仍馳騎四射每箭殺一蠻蠻遂敗走因是以膽勇知名

馮道根年十六鄉人蔡道班爲湖陽戍主攻蠻錫城反爲蠻困道根救之疋馬轉戰提雙劍左右奮擊殺

傷甚多道班以免繇是知名

陳伯之幼有膂力嘗援面覘人船船人斫之獲其左耳後隨鄉人車騎將軍王廣之廣之愛其勇每夜臥下榻征討嘗將自隨終於大中大夫

柳敬禮與兄仲禮皆少以勇烈知名官至扶風太守杜崩幼有志氣居鄉里以膽勇稱後爲散騎嘗侍江州刺史

杜幼安性至孝寬厚雄勇過人位至西荊州刺史

胡僧祐字願果南陽人少勇決有武幹

牟鵬字子鵬都官尚書侃之子侯景敗鵬密圖之乃

隨其東走景於松江下海欲向蒙山景寢鵬語海師向京口至湖豆州景覺鵬拔刀叱海師景透水鵬斫之景入船中以小刀抉船鵬刺殺之世祖以鵬爲青州刺史封昌國侯錢五百萬米五千石

陳周鐵虎事梁河東主蕭譽以勇敢聞譽爲臨蒸令及王僧辨討譽於陣獲鐵虎僧辨命烹之鐵虎呼曰侯景未滅何以殺壯士僧辨竒其言乃宥之後爲散騎嘗侍嚴威將軍太子左衛卒

程靈洗新安海寧人少以勇力聞步行日三百餘里便騎善射梁末又海寧黟歙等縣及鄱陽宣城郡累

多盜賊郡縣苦之靈洗素爲鄉里所畏伏前守長嘗使召募少年逐捕却盜位至安西將軍

程文季靈洗子也幼習騎射多幹畧果決有父風弱冠從靈洗征討必前登陷陣後爲安遠將軍譙州刺史

杜僧明字弘炤形貌眇小而膽氣過人有勇力善騎射位至通直散騎嘗侍平北將軍

蕭摩訶父諒梁始興郡丞摩訶隨父之郡年數歲而父卒其姊夫蔡路養在南康乃收養之稍長果毅有勇力侯景之亂高祖赴援京師路養起兵拒高祖摩

訶時年十三單騎出戰軍中莫有當者及路養敗摩訶歸於侯安都安都遇之甚厚自此嘗隸安都征討及任約徐嗣徽引齊兵爲寇高祖遣安都北拒齊軍於鍾山龍尾及北郊壇安都謂摩訶曰卿驍勇有名千聞不如一見摩訶對曰今日令公見矣及戰安都墜馬被圍摩訶獨騎大呼直衝齊軍披靡因稍解去安都乃免後入隋授開府儀同三司

周迪少居山谷有膂力能挽強弩以弋獵爲事侯景之亂迪宗人周續起兵於臨川梁始興王蕭毅以郡讓續迪召募鄉人從之每戰必勇冠衆軍官至安南

將軍

後魏長孫觀少以壯勇知名

魯秀小字天念爽弟也頗有意畧才力過爽太武以克宿衛甚知待之高梁王阿叔泥為芮芮所圍甚急使秀往救太武自率大衆繼其後未及至秀已擊破之拔阿叔泥而反

呂羅漢弱冠以武幹知名父溫之佐秦州羅漢隨侍隴右楊難當率衆數萬寇上邽秦人多應之賊衆轉盛羅漢進計於鎮將元彥頭曰今不出戰示敵以弱衆情勢貳大事去矣意頭善之即簡千餘騎令羅漢

出戰與諸騎策馬大呼直衝難當軍衆皆披靡殺難

當左右隊騎入人難當大驚乃引還仇池後拜內都

大官卒

來大千驍果善騎射遷中散至於朝賀之日大千嘗着御鎧盤馬殿庭莫不歎異嘗從太宗獵見虎在高巖上大千持稍直前刺之應手而死

崔延伯博陵人也祖壽於彭城陷入江南延伯有氣力少以勇壯聞後為左衛將軍卒

乙瓌代人也便弓馬善騎射手格猛獸膂力過人數從征伐後為侍中征東將軍定州刺史卒

爾朱兆字萬仁少驍猛善騎射手格猛獸後爲都督
十州諸軍事襲并州刺史

李洪之志性慷慨多所堪忍疾灸療艾炷將二寸
首足十餘處一時俱下而言笑自若接賓不輟後爲
安南將軍秦益二州刺史

尉眷太宗時執事左右爲太官令時侍臣受斤亡入
孺孺詔眷追之遂至虜庭大檀問其故眷曰受斤負
罪天子逃刑在此不時執送是以來取眷遂擒受斤
於大檀前左右救之乃免繇是以驍烈聞遷司衛監
江文遙少有大度輕財好士士多歸之夏侯道遷之

圖陽虛珎也文遙奮劍請行遂手斬虛珎

後周夏莫陳崇武川人少驍勇善馳射隨賀拔嶽征
討以功除建威將軍位至大司徒

耿豪少麤獷有武藝好以氣凌人賀拔嶽西征引爲
帳內嶽被害歸太祖以武勇見知後爲驃騎大將軍
開府儀同三司

賀若敦東魏潁川長史統之子從其父歸太祖時群
盜蜂起各據山谷太龜山賊張世顯潛來襲統敦挺
身赴戰手斬七八人賊乃退走終於忠州刺史
泉仲遵雒州都督企之次子少謹實有武藝遭世離

亂每從父兄征討以勇決聞高敖曹攻雒州企令仲遵率五百人出戰時以衆寡不敵乃退入城復與企力戰拒守矢盡以棒杖捍之遂爲流矢中目不堪復戰及城陷士卒歎曰若二郎不傷豈至於此
隋虞慶則靈武太守祥之子幼雄毅性倨儻身長八尺有膽氣善鮮卑語身被重鎧帶兩鞬左右馳射本州豪俠皆敬憚之後以右武侯大將軍出爲桂州道行軍總管

張齋字文懿自云清河人家於淮陰好讀兵書尤便刀楯周世鄉人郭子異密引陳寇齋父雙欲率子弟

擊之猶豫未決齋贊成其謀竟以破賊繇是以勇決知名起家州主簿

史萬歲以坐事除名配燉煌爲戍卒戍主甚驍武每單騎深入突厥中掠取牛馬輒大尅獲突厥無衆寡莫之敢當其人浮自矜負數罵辱萬歲萬歲患之自言亦有武用戍主試令馳射甚工戍主笑曰小人安可萬歲請弓馬復掠突厥中大得六畜而歸戍主始善之每與同行輒入突厥數百里名讐北夷後爲河州刺史行軍總管

麥鐵杖陳亾後徙居清流縣遇江東反楊素遣鐵杖

頭戴草束夜浮渡江覬賊中消息具知還報後復更
往爲賊所擒逆帥李陵遣兵仗三十人衛之縛送高
智惠行至虔亭衛者憇食哀其餒解手以給其餐鐵
杖取賊刀亂斬衛者殺之皆盡悉割其鼻懷之以歸
素太奇之後位至右屯衛大將軍

梁默者梁士彥之蒼頭驍武絕人士彥每從征伐嘗
與陷陣

唐杜伏威隋末僭稱將軍煬帝遣右禦衛將軍陳稜
以精兵八千討之稜不敢戰伏威遣遺稜婦人以激
怒之并攻書號爲陳姥稜大怒悉兵而至伏威逆拒

自出陣前挑戰稜部將射中其額伏威怒指之曰不
殺汝我終不拔箭遂馳之稜部將走奔其陣伏威因
入稜陣大呼衝擊所向披靡獲所射者使其拔箭然
後斬之携其首復入稜軍奮擊殺數十人稜陣大潰
僅以身免

丘行恭善騎射勇敢絕倫隋大業末與兄師利聚兵
於岐雍間有衆一萬保故郿城百姓多附之群盜不
敢入境

李藝性桀黠剛愎不仁勇於攻戰

薛仁果舉之長子多力善騎射勇烈過人舉軍中號

爲萬人敵後爲太宗所誅

盧祖尚隋大業末召募壯士逐捕群盜時年甚少而
武力過人又御衆嚴整所向有功群盜畏憚不敢入
境

錢九隴有膂力趨捷善騎射隋大業中嘗從高祖以
驍勇見稱官至監門大將軍

高開道渤海人少而驍捷隋大業末賊帥格謙擁衆
於豆子甌開道歸之禮遇甚篤會謙爲隋師所圍左
右分散無救之者開道獨身決戰殺十餘人隋師披
靡謙乃獲免於是始重開道爲幽州總管

公孫武達少有膂力嘗遇賊盡劫其衣物仍逼武達
索靴武達授足與之賊俯就引靴武達歐之死於手
下以其兵伏禦餘寇獲免繇是以壯勇知名官至武
衛大將軍

蘇定方冀州武邑人父邕大業末率鄉閭數千人爲
本郡討賊定方驍悍多力膽氣絕倫年十五餘隨父
討捕先登陷陣父卒郡守又令定方破賊帥張金秤
於郡南手斬金秤又破陽公卿於郡西追奔二十餘
里殺獲甚衆公卿僅以身免繇是外盜不敢入界鄉
黨賴之官至武衛大將軍

李勣隋大業中說韋城人翟讓劫公孫私船兵衆大振隋遣齊郡通守張須率師二萬討之勣與戰斬之須隨於陣後位至司空
薛萬均河東汾陰人善射有武畧拳勇絕人後官至屯衛大將軍
薛仁貴絳州龍門人貞觀末太宗親征遼東仁貴謁將軍張士貴應募請從行至安地有郎將劉君昂爲賊所圍甚急仁貴往救之躍馬徑前手斬賊將懸其頭於馬鞍賊皆懾伏仁貴遂知名官至右領軍衛大將軍檢校代州都督

李敬業者司空英國公勣之孫少嘗從祖征討以驍勇聞後左授柳州司馬以叛逆誅

程務挺雒州人右驍衛將軍振之子少嘗隨父征討以勇力聞位至左衛武大將軍單于道安撫大使

高子貢和州歷陽人屬徐敬業構逆侵逼和州子貢率其鄉曲子弟以禦之繇是賊不敢侵

姚令言河中人少勇應募起於卒伍隸涇原筋度馬璘以戰功累授金吾大將軍

李祐本蔡將也驍勇過人每行營當陣敵官軍皆深憚之

後唐傅彥饒少驍勇能騎射唐天祐十五年冬莊宗與梁軍大戰於胡柳陂時彥饒與弟彥圖俱從其父血戰有功莊宗壯之因用爲騎將

高行珪燕人將家子家世勇悍後爲安州節度使

晉翟璋好勇多力時目爲大虫卽癡虎之稱也位至左羽林統軍

張郎唐昭宗末徐方亂盜賊蜂起剽劫鄉群郎聚少年數百人固護親族隣里賴其保全者甚衆鄉於光祿大夫檢校太傅慶州刺史

張協臨黃縣書生也天福九年協自募召勇敢之士

五十餘人詣行宮請爲遊兵想生偵邏帝嘉之賜以戎服遣殿直王巒俱往時擒索虜致於行任

房知溫字伯玉兗州瑕丘人也少有勇力籍本軍爲

赤甲都官健

梁將葛從周鎮其地爲爪牙後爲檢校太師兼中書令

漢馮萬少從軍善少游唐莊宗與梁軍對壘胡柳之役莊宗自濮州至潘張立河南北寨會莊宗入至大原梁軍水陸齊進攻南寨於寨北河流聯戰艦以絕援路晝夜攻城者三日寨將氏延賞告急莊宗自太

原廻便趨寨隔河望敵無如之何乃召人能水游破賊者馮萬兄弟應募言可通南寨遂潛行入南寨往來者三又助燒船汴軍斫船走解圍自是收爲水軍小較位至上將軍

周安懷盛沙陁三部落之種也事太祖以驍勇聞于釗元城人也以強勇稱於河朔間

趙暉代家天水近世徙居於魏故今爲郡人焉暉生於貧賤弱冠習武以挽強稱唐莊宗之戰河朔也廣募驍雄以備征伐始隸於莊宗帳前與太梁兵凡經百餘戰摧堅陷陣名出行伍間後爲太子太師致仕

李懷忠初事後唐莊宗起援夾城之役懷忠率先登城轉鬪其衆大敗後以太子太傅致仕卒

史彥超雲州人也性驍獷有膽氣官至華州節度使白延遇太原人也幼畜於晉高祖之公宮年十三從晉祖伐蜀以趨悍見稱終於同州節度使

仇超顯德中以廂軍從太祖巡按賊壘張彥超設虎落以護城宣諭諸州廂軍內果敢之士能拔去鹿角者超仗一大斧伐鹿角而徑登爲賊守陴者傷三指而下太祖獎其勇健解其甲鎧唯衣一犢鼻賜以錦袍超謝之携斧又登賊壘芟夷懸幢之類而旋太祖

擢之在控鶴官之列間曰思其驍果宣問願陳力之
所起曰父嘗任倉州捉生都頭苟得之平生之願畢
矣於是補是職焉

